



ГАЗЕТ ЛЭДЗЁНЫ: ВКП(б) ЕМДИНСА
РАЙКОМ ДА УДЖАЛЫСЬ ЙЁЗ ДЕПУТАТЪ-
ЯСЛОН РАЙОННОЙ СОВЕТ

№ 33 (961)

Апрель 24 лун

1941 ВО

* * * * *

Вежонын петё 2 номер

Сплошной грамотности район вёсна тышö!

Матысмö замечательной лун. 1941 вося август төлысь миян республикаса уджалысь йёз кутасын празднуйтны Коми Автономиялысь кызбод юбилей. Нембөйсья капиталистической рабстволысь мездьсьясы—большевистской партиялы да советской властилы благодарностысьясы да помтём преданностысьясы чувствоясы выражайтөмөн, коми уджалысь йёз вöчасны итог славной исторической туйлы, кодöс найö мунисны тайö кызь вонас.

Чудесной плодьясы, кодьясы сетисны победоносной Октябрьской социалистической революция да ленинско-сталинской национальной политика последовательной да неуклонной олёмö пöртём ставлы тыдала нась. Вöвлөм забитой окраинаысь, царской самодержавиелөн колонияысь, миян республика пöрис вылын развитой социалистической республикаö. Найö выражайтöны миян республикаса став пельöсьясын пыр водзö паськалысь грандиозной промышленной строительствонь, социалистической видзму овмөсын шедöдөм победаысын, сідзи и национальной формаа, социалистической содержания культура дзоридзалöмөн.

Ылö, некор бергöдчывтөм вылö коли сійö проклятой шуштөм кадыс, кор коми уджалысь йёз капитализмлөн законьясөн вöлі шыбытöма одичание да вымирание вылö. Социалистической югыд шовди улын миян рабочийяс да колхозникьясы уверенной мунöны зажиточной да культурной олөм туй кузя.

Важ стройлысь наследие—неграмотность бырöдöмөн советской власти воясö вöчöма збылысь гигантской удж. Важөн кө коми уджалысь йёзöс вöлі лишитöма велöдчөм вылö правысь да унджыкыс вöліны неграмотнойöс, öни Коми АССР-са населениелөн 94 прöчентыс грамотной.

Эмöс нин и миян районны сэтшöм уна колхозьясы, көни абу ни öти неграмотной. Уна сельсоветьясы матыстöны неграмотность бырöдöмö. Тайö ыджыд да почетной уджнасы ыджыд водзмöстчöм петкөдлöны Гам средней школаса велöдысьясы. Сэви директор Попов ёрт юрнубöдм улын шымьртисны велöдöмөн асланыс участкаысь став неграмотнойясöс да малограмотной-

ясöс. Неважөн вöчисны нин выпуск 21 морт неграмотной да малограмотнойысь, öни ставныс грамотнойöс. Сідз, жö, активной да бура уджалöны Тунскерöс НСШ-са учительяс Трошев, Полугрудова да Мартынов ёртьясы. Найö велöдöны 17 неграмотной да 19 малограмотнойöс да велöдöмын петкөдлöны образцовой пример.

Но ставнас район пасьта неграмотнойясöс велöдöмын делöсы омöль. 286 неграмотной да 391 малограмотной пиысь шымьртöма велöдöмөн апрель 15 лун кежлö 232 неграмотнойöс да 299 малограмотнойöс. Найöс велöдөм вылö котыртöма 4 платной школа. Но колö шуны, мый платной школаслөн колана удж оз на тыдав, талунья лунöдз найö эз на велöдны да выпуститны ни öти неграмотнойöс да малограмотнойöс. Сідзжö эмöс и учительяслөн коллективьясы да культармеецьясы, кодьясы уджалöны слаба. Со, Зимино начальной школаын, Емдин средней школаса да Зөвсьöрт НСШ-са коллективьясын ни öти неграмотнойöс абу вайöдöма грамотной вийöдз.

Татшöм омöль уджыслөн медводз помкасы лöб сыын, мый партийной да советской организациясы тайö ыджыд делöсö лэдзисны аслас визув вылö, эз сетны колана отсöг культармеецьясы да учительяслы неграмотнойяс да малограмотнойясöс велöдöмын, эз контролируйтны налысь удж.

Партийной да советской организацияслөн, став общественностылөн могысы öни сідз кө сыын, медым гырысь йёзöс велöдöмөн занимайтчыны систематической да плановой, некутшöма личöдчывлытöг. Быд коммунистлөн, комсомолецлөн, быд грамотной мортлөн честя делö—велöдны неграмотнойясöс да малограмотнойясöс, тышкасыны асланыс колхозын, сиктын, сплошной грамотности вёсна. Мудзлытöг разьяснитны паськыд массаясы XVIII-öд Ставсоюзса партконференциялысь решениеясы да СССР-са СНК-лөн да ВКП(б) ЦК-лөн колхозникьяслөн уджысы содтöд мынтысьöм йылысь постановление.

Встретитам Коми Автономиялысь кызвоясы юбилей культурной фронт вылын выль ыджыд победаөн—неграмотность да малограмотность бырöдöмөн!

Таджикистанса КП(б) Канибадамской райкомлөн парткабинетын.



Пропагандист Ф. Халимов нубöд комсомольской кружокын ВКП(б) история кузя заняние.

Ставнас пöртам олёмö партия да правительстволысь постановление

„Коми АССР кузя сельскохозяйственной культурыясы урожайность да животноводстволысь продуктивность кыпöдöмысь колхозникьяслөн уджысы содтöд мынтысьöм йылысь“ СССР-са СНК-лөн да ВКП(б) ЦК-лөн март 6 лунся постановление восьтис выль позянлуньясы колхозьясын ыджыд урожайность кыпöдөм вылö, колхозникьясы водзö зажиточность содтөм да колхозной производство вылын бура удж котыртөм вылö.

Тайö постановлениеысы сетö став коланасö колхозник-стахановецьясы да стахановкасы, кодьясы пуктылисны да пуктöны асынысы став вынтясысь общественной овмөс ёнмөдөм вылö.

Аквад сельсовету вса „1 май“ колхозса колхозникьясы да колхозницаысы

асланысы ётувья колхозной собрание вылын тайö исторической постановлениесö единодушной ошкөм да обсуждайтөм бöрын, шуисны пыр жö сійöс заводитны пöртны олёмö. Найö көйсынысысь сёлөмьянысы уджавны колхозной уджысы вылын, медым полужитны уджысы содтөд оплата. Собрание вылын жö вöлі котыртöма звеньевой системаа удж. Котыртöма кык бригада, быд бригадаын нель звеноөн.

Öни бригадаясы да звеноясы заводитисны нин уджавны. Первой да мөд номера бригадаясы звеноясын звеньевойясы Людмила Михайловна Туркина да Лидия Александровна Козлова ёртьясы честной выполняйтöны бригадирьясөн сетөм нарядьясы. Налөн звеноясы аскадö да ставнас петöны удж вылö. **И. Турнин.**

Уджала почетной удж вылын

Скөтвидзөм эм почетной удж. Ме тайö радейтана удж вылас уджала нин важысян—1936 восян. Ме видза мамув куканьясы. Посеи куканьясыс 6 төлысь видзөм бöрын ме сдایتала мөд куканьвидзысьлы. Тайö удж вылас пырөмсян да тавөдз сдایتі нин 150 сайö кукань. Тайö төлысьын на сдایتі 11 кукань. Куканьясыд менам пыр сөстөмбсь, упитаннойöс. Ме бура төда, мый куканьясылы кө пуктан бур уход да найöс кө пыр радейтан, лөбны бур качества да вылын продуктивности мөсьясы. Асыным став төдöмлуньясыс да вынөс ме сы вылö и пункта. Пыр радейта да ухаживайта куканьясы бөрся. Налысь оланінтясы пыр аскадö да быд лун весала, сідзжö аскадö верда да юктала.

Аслам честной да добросовестной уджон кольөм во выработайтлі 860 трудодень, а миян семьялөн ставыс 1500 трудодень, мый вылö бөсьтім уна нянь да мукөд продуктаясы.

Нöщта висьтала сы йылысь, мый миян оз мун куканьясы мерайтөм. Зоотехник Коюшева ёрт куканьясыс видзөдлыны волывлö вывти гежöда. Арсянысы воліс сөмын на кыкысы кымын. Тайö важной делöсö сійö, тыдалö, вунөдис. Тырмытөмторйөн лөб и сійö, мый куканьясы оз тырмытөм да аскадö сетны көрым, кыздöтруб, пызь да мукөд сөйөдьясы.

Т. П. Дьяконова,

Емдинса „Память Логинова“ колхозса телятница.

Европанын военной действиясы

(Апрель 22 лунся военной действияслөн дневник)

Греческой фронт вылын продолжайтчö англо-греческой войскаяслөн страна-са лунвыв юкөнлань отход. Германской командованиелөн сводкаын юөртсьö, мый германской войскасы, кодьясы наступайтöны Пинд гөраясы пыр рытывывлань, бөсьтисны Янина кар (Асыввыв Греция), мунисны Ларисса пыр лунвывлань да бөсьтисны Ламия кар (Лунвыв Фессалия). Германской войскаясөн бөсьтöма сідзжö портовой кар Волос (Грециялөн асыввыв побережьеын). Греческой сводкаын пасысысь, мый греческой вынтяслөн выль оборонительной позициясы вылö отход нубöдма успешной. Английской войскасы, висьтавысь английской сводкаын, бөсьтисны оборонительной позициясы Ламиясян лунвывланьын. Рейтер агенство юөртö, мый германской войскаяслөн вешйөм вöлі достигнитöма гырысь воштöмьясөн. Ни öти пунктын немецьясы эз удайтчы ордны союзной войскаяслысь линия. Фронт вылын положение продолжайтчö кольны серьезнойөн.

Итальянской войскасы вуджисны греко-албанской граница да пырисны греческой территория вылö. Английской юөртöмьясы серти, апрель 20 лунö греческой фронт вылын английской самолётьясы сбитисны 16 германской самолёт. Сійö—медся ыджыд самолётьяслөн лыд, кодьясыс сбитöма öти лунөн германской наступление дырйи. 16 самолётсыс 14 самолётсö вöлі сбитöма Афины вылын ыджыд воздушной бой дырйи.

Апрель 22 лунлы паныда войö германской самолётьяслөн соединениеясы вылысь бомбардируйтисны английской военной порт Плимут. Сысыс кындзи, германской авиация совершитис налетьясы Грейт Ярмут порт вылö да Лунвыв Англияса аэродромьясы вылö. Продолжайтчисны германской вооруженной вынтяслөн море вылын операциясы. Юөртсьö кык английской судно вөйтөм йылысь.

Английской самолётьясы апрель 21 лунö рытнасы совершитисны Гаврын докаясы вылö налет.

